

Hoofstuk: 1 Paragraaf: 14.	Teks	1933/53-vertaling	1983/91-vertaling
<p>Hierdie leer van die Goddelike uitverkiesing is verder, volgens die wyse besluit van God, deur die profete, deur Christus self en deur die apostels in sowel die Ou as die Nuwe Testament verkondig. Daarna is dit in die heilige Skrifte bekend gemaak en bewaar. Daarom moet dit vandag nog op die regte tyd en plek in die kerk van God - waarvoor dit in die besonder bestem is - uiteengesit word. Hierdie leer moet egter oordeelkundig, met gelowige eerbied en heilige ontsag, sonder 'n nuuskierige ondersoek na die weë van die Allerhoogste, verkondig word. Dit alles moet gebeur tot eer van die heilige Naam van God en tot 'n lewende troos vir sy volk.</p>	Job 36:23-26	<p>Wie het Hom sy weg voorgeskrywe? En wie het gesê: U het onreg gedoen? Dink daaraan dat u sy werk moet verheerlik waar die mense van sing. Al die mense sien dit met welgevalle aan, die sterfling aanskou dit van ver. Kyk, God is groot en onbegryplik vir ons; die getal van sy jare is onnaspeurlik.</p>	<p>Wie kan van Hom rekenskap eis oor sy daade? Wie kan sê: 'U het verkeerd gedoen'? Dink liever daaraan om sy werk te roem, sy werk wat deur mense besing moet word. Alle mense kan dit sien, al neem hulle dit net van ver af waar. God is groot, ons kan sy grootheid nie begryp nie, sy jare kan nie bereken word nie.</p>
	Handelinge 20:27	<p>Want ek het nie nagelaat om aan julle die hele raad van God te verkondig nie.</p>	<p>want ek het nie nagelaat om die heilsplan van God in sy volle omvang aan julle te verkondig nie.</p>
	Romeine 11:33-34	<p>o Diepte van die rykdom en wysheid en kennis van God! Hoe ondeurgrondelik is sy oordele en onnaspeurlik sy weë! Want wie het die gedagte van die Here geken, of wie was sy raadsman gewees?</p>	<p>O diepte van die rykdom en wysheid en kennis van God! Hoe ondeurgrondelik is sy oordele, hoe onnaspeurlik sy weë! Wie ken die bedoeling van die Here? Wie gee Hom raad?</p>
	1 Romeine 12:3	<p>Want deur die genade wat aan my gegee is, sê ek vir elkeen wat onder julle is, dat hy nie van homself meer moet dink as wat 'n mens behoort te dink nie; maar dat hy daaraan moet dink om besadig te wees na die maat van geloof soos God dit aan elkeen toebedeel het</p>	<p>Kragtens die genade wat aan my gegee is, sê ek vir elkeen van julle: Moenie van jouself meer dink as wat jy behoort te dink nie. Nee, lê jou liever daarop toe om beskeie te wees in ooreenstemming met die maat van geloof wat God aan elkeen toebedeel het.</p>
	1 Korintiërs 4:6	<p>Hierdie dinge, broeders, het ek op myself en Apollos toegepas om julle ontwil, dat julle aan ons kan leer om nie te dink bo wat geskrywe is nie, sodat julle nie die een ter wille van die ander opgeblase sou wees teen 'n derde nie.</p>	<p>In hierdie uiteensetting, broers, het ek myself en Apollos as voorbeelde gebruik om julle te leer wat die gesegde beteken: "Hou jou binne die perke wat God gestel het." Dan sal niemand hom belangriker as 'n ander beskou oor sy leermeester nie.</p>
	Hebreërs 6:17-18	<p>Daarom het God, omdat Hy nog kragtiger aan die erfgename van die belofte die onveranderlikheid van sy raad wou toon, dit met 'n eed gewaarborg; sodat ons deur twee onveranderlike dinge, waarin dit onmoontlik is dat God sou lieg, kragtige bemoediging kan hê, ons wat ontvlug het, om vas te hou aan die hoop wat voorlê.</p>	<p>En omdat God aan die erfgename van die belofte bo alle twyfel wou verseker dat sy besluit onveranderlik is, het Hy dit met 'n eed gewaarborg. Die twee onveranderlike dinge, die belofte en die eed, waarborg dat God sy woord gestand sal doen, en is vir ons wat ons toevlug tot Hom geneem het, 'n kragtige aansporing om vas te hou aan die hoop op wat vir ons weggeleë is.</p>